

Augsburg, 11. Juni 1577

An Bonaventura Vulcanius

UB Leiden, VUL 105:3, Nr. 3 (nicht eigenhändig bis auf die Adresse und die Unterschrift).
 Edition: De Vries de Heekelingen S. 452-454.

D. Bonauenturae Vulcanio, viro doctissimo et humaniss[imo], amico singulari. Basel bei den Herren Frobenijs.

S. Editionem Cyrilli tui, atque etiam Platonis et Plotini GraecoLatini, aidè sanè sed frustra, ut video, expectaui. Etsi enim vterque philosophus, alter Latinè tantum, alter Graecè, vel saepius mihi pellectus est: tamen eosdem relegere, si ad manus meas peruererint, non grauabor. Theologi verò tui nihil mihi lectum est, praeter ea, quae superioribus annis Coloniae imprimenda curasti. Ars nostra viuendi et moriendi, non ita quidem, vt decuit, nosquē certis de causis instituimus, impressa est: eaquē peruersitas ordinis, qua patroni se quadam contumelia esse affectos interpretantur, detrimento nobis fuit, non emolumento: cum typographus quinquaginta exemplis promissis, ne vnico quidem nos donarit. Sed haec ego aequo animo fero, leuitati typographicae iam olim assuetus. Viuit nunc in aedibus meis, Paulus Schedius Melissus, vir optimus, et poëta elegantissimus: hisce diebus, occasione data, Patauium Antenoris profecturus. Quo eodem si et tu conferre te volueris: iterquē Augusta habueris: iumento tuo in diuersorio corculi, zum hertzlin bei Philipp Guetleben, vnd gegginger tor relicto, rectà te in domunculam meam conferas velim. Nam te, hominem philosophum, scholasticam tenuitatem boni consulturum esse, confido. De profectione autem Italica, etiam atque etiam te cogitare velim. Nam et ipsum iter magnorum sumptuum est: et victus ratio Patauij ea, vt vno anno frugalissimè viuens, centenis coronatis vix te sustentare possis. D. Hainzelius, etsi tui amantissimus, et singularis doctorum patronus: tamen cum nec discipulos hoc tempore tibi curare possit, et ipse quatuordecim liberūm viuentium parens, rerum suarum satagat: nec propter sumptuum magnitudinem, filios posthac in Italianam mittere decreuerit: vereor, vt multum commodare tibi possit. Vale vir doctissime, mequē tui studiosissimum esse, persuasum habeto. Auguste Vindelicorum. 11 Iunij 1577.

Hiero[nymus] Wolfius
 Tuus.